

378/23

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

**Služba za socijalnu zaštitu, stambene poslove i društvene
Trg BiH 6 - 72 000 Zenica**

**Broj: 07- *INT.* / 23
Zenica, 31.05.2023.godine**

**GRAD ZENICA
STRUČNA SLUŽBA GRADSKOG VIJEĆA**

PREDMET: Prijedlog Odluke
- dostavlja se

U skladu sa Planom rada Gradskog vijeća dostavljamo Prijedlog odluke o subvencioniranje troškova grijanja. Napominjemo da su sredstva za realizaciju navedene Odluke planirana u budžetu.

Molimo da istu uvrstite na razmatranje na narednoj sjednici Gradskog vijeća Zenica.

S poštovanjem,

PRILOG: kao u tekstu

DOSTAVLJENO:
1 x Naslovu
1 x a/a

POMOĆNIK GRADONAČELNIKA

Sumea Mujkanović



Na osnovu člana 21. Statuta Grada Zenica („Službene novine grada Zenica“, broj: 5/15) i člana 36. Poslovnika Gradskog vijeća („Službene novine grada Zenica“, broj 4/17), a u u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“, broj: 13/07, 13/11, 3/15,2/16 i 16/22), Gradsko vijeće Zenica, na svojoj _____ sjednici održanoj dana _____ 2023. godine, donosi:

ODLUKU

O SUBVENCIONIRANJU TROŠKOVA GRIJANJA ZA SEZONU 2022/2023. GODINE

I. Opće odredbe

Član 1.

Ovom odlukom utvrđuje se pravo na subvencioniranje troškova grijanja, obim prava, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvenciju troškova grijanja.

Član 2.

1) Troškovi grijanja u smislu ove odluke su:

- a) troškovi zagrijavanja stambenog prostora toplotnom energijom iz sistema centralnog grijanja kojim upravlja JP „Grijanje“ d.o.o. Zenica (u daljem tekstu: centralno grijanje)
- b) troškovi zagrijavanja stambenog prostora alternativnim izvorima toplotne energije kao što su: drvo, ugalj, plin, nafta i dr., (u daljem tekstu: alternativno grijanje).

2) Period za koji se subvencioniranju troškovi grijanja je period od 01.07.2022. do 30.06.2023. godine.

II. Obim prava na subvencioniranje troškova grijanja

Član 3.

- 1)** Subvencioniranje troškova grijanja (u daljem tekstu: subvencija), u smislu ove odluke, je pravo na subvenciju troškova grijanja u jednakom iznosu za korisnike stalne novčane pomoći koji troškove grijanja plaćaju na jedan od dva načina iz člana 2. ove Odluke.
- 2)** Visina pojedinačnog novčanog iznosa kojim se vrši subvencija grijanja će se utvrditi u skladu sa raspoloživim sredstvima predviđenim u Budžetu Grada Zenica za 2023. godinu.

III. Korisnici prava na subvenciju

Član 4.

- 1) Korisnik prava na subvenciju je korisnik prava na stalnu novčanu pomoć kod JU Centar za socijalni rad Zenica, koji je ostvario pravo do 15.10.2022. godine.
- 2) Korisnici su dužni prijaviti svaku nastalu promjenu koja je od uticaja za ostvarivanje ovog prava u roku od 15 dana od dana nastale promjene.

Član 5.

Prava iz ove odluke su lična, neprenosiva i mogu se koristiti samo po jednom osnovu.

IV. Postupak za ostvarivanje prava na subvenciju

Član 6.

- 1) Postupak za ostvarivanje prava na subvenciju troškova po ovoj odluci po službenoj dužnosti vodi JU Centar za socijalni rad Zenica (u daljem tekstu: Centar).
- 2) Subvencioniranje troškova centralnog grijanja vršiće se na sljedeći način:
 - a) Centar izrađuje tabelarni pregled korisnika koji sadrži sljedeće elemente:
 - 1) redni broj, prezime i ime korisnika,
 - 2) prezime i ime lica kod koga korisnik stanuje,
 - 3) adresa stana,
 - 4) period za obračun i iznos subvencije.
 - b) Ovako sačinjen pregled, Centar dostavlja JP „Grijanje“ d.o.o. Zenica radi usaglašavanja.
 - c) Nakon usaglašenog pregleda između Centra i JP „Grijanje“ Zenica Centar vrši izradu rješenja, spajanjem predmeta u jedan, u skraćenoj formi, bez obrazloženja koje sadrži sve elemente iz usaglašenog tabelarnog pregleda.
- 3) Subvencioniranje troškova alternativnog grijanja vršiće se na sljedeći način:
 - a) Centar za socijalni rad vrši izradu rješenja, spajanjem predmeta u jedan, u skraćenoj formi, bez obrazloženja koje, pored novčanog iznosa, sadrži i sljedeće elemente:
 - 1) redni broj, prezime i ime korisnika,
 - 2) JMBG korisnika i
 - 3) adresu korisnika.
- 4) Rješenja iz stava (2) i (3) ovoga člana objavljuju se na oglasnoj tabli Centra. Rješenja postaju pravosnažna osmog dana nakon objavljivanja na oglasnoj tabli.
- 5) Pravosnažno rješenje kojim je utvrđeno pravo na subvenciju troškova centralnog grijanja Centar prosljeđuje JP „Grijanje“ Zenica na dalje postupanje, JP „Grijanje“ za korisnike, prema dostavljenom pravosnažnom rješenju, Centru ispostavlja obračun kao osnov za plaćanje.
- 6) Rješenje, kojim je utvrđeno pravo na subvenciju troškova alternativnog grijanja, realizoveće se po propisima i procedurama trezorskog poslovanja.
- 7) Pravosnažna rješenja, kojim je utvrđeno pravo na subvenciju, se dostavljaju i Službi za socijalnu zaštitu, stambene poslove i društvene djelatnosti i Službi za finansije Grad Zenica.

V. Sredstva za finansiranje

Član 7.

Finansijska sredstva za realizaciju ove odluke planirana su u Budžetu Grada Zenica za 2023. godinu na poziciji budžetskog korisnika JU Centar za socijalni rad Zenica.

VI. Prijelazne i završne odredbe

Član 8.

Za realizaciju ove odluke zadužuje se:

- a) JU Centar za socijalni rad Zenica,
- b) Služba za socijalnu zaštitu, stambene poslove i društvene djelatnosti,
- c) Služba za finansije Grada Zenica i
- d) JP „Grijanje“ Zenica.

Član 9.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-_____/23

Zenica, .06.2023. godine

Predsjedavajući

Gradskog vijeća Zenica

DOSTAVLJENO:

- 1 x Gradonačelnik,
(putem Službe kabineta Gradonačelnika)
- 1 x JU Centar za socijalni rad Zenica,
- 1 x Služba za socijalnu zaštitu,
stambene poslove i društvene djelatnosti,
- 1 x Služba za finansije,
- 1 x „Službene novine Grada Zenica“,
- 1 x Stručna služba Gradskog vijeća,
- 1 x a/a.